

Klaus-Groth-Preis der Stadt Heide 2009
Gewinner: Jürgen Heitmann aus Celle (*1936 Winsen/Luhe)

sotoseggen

dat
vun orkáns un taifuuns,
vun bomben un raketen
tweireten kapitál verrott't –
bitieden.

credere, vertragen fehlt.
bretton woods hoost't sünner kracht.
nüms nich hett dat wohl so verwacht't:
all de kregen rundüm op uns eerd
verweiht alle dååg unennlichen weert.
dat mag de kapitálist vörweg nich seggen:
all unwillig volks hett sik 'n strang totoleggen.

amenn
puust't sik störm as leidig kröcheln
vigeliensch üm de prählerschen upper ten –
över den dollar un veel anner' geld,
sams euro, franken, rubel, yen
un dor mank dörch, dat süss noch tellt.

as twievelmodig dráken
dreumt dow jones un dax
nasdaq un nikkei
as verhákelde intimuss'n –
vun nákelde obligeeschens,
vun poolposischens in minus un pluss'n
globál de swinnel, verdwass de quanten,
beid kannst an börsen nich verganten.

raffgier un jieper jumpt op'nanner,
opbláste kursen in ünnerste keller.
minner tins un sieder fastslán diskont
stütt't chaoshypotheke un stankkrediten.
de básig hülpe: 'n neesindenwindrinsteken –
pecunia non olet!